

COMUNU DE NURADDA

Provìntzia de Casteddu

Ufitziu de su Sìndigu

Pratza Matteotti 08030 Nuradda Tel. 0782/815004/ 815278 Fax 0782/815328 – C.F. 81000130914

Ordinàntzia n. 13 de su 06.08.2013

Ogetu: Serrada a su tràficu provisòria de sa Bia XXI Aprile e de sa bia Bia S. Lucia in ocasioni de sa festa in onori de sa Madonna de sa Strada.

Su Sìndigu

Bista sa pregunta cun àutus, presentada de sa Senn.ra Piras Rita fata po otènniri sa serrada provisòria de sa Bia XXI Aprile e de sa Bia s. Lucia po sa dia de s'08.08.2013, de is 17,00 a is 21,30, in ocasioni de sa festa in onori de sa Madonna de sa Strada;

Ritènniu necessàriu a pigai is provedimentus chi funt pretzisus po sa circolatzioni stradali po su chi pertocat custu abbisòngiu particulari, in cunsideru de is caràteris tènnicus de sa bia e de arrexonis de seguresa e de amparu de s'incolumidadi pùblica;

Reconnotu s'abbisòngiu de frimai sa circolatzioni de is mezus in is bias specificadas in ogetu;

Bistus is artt. 5 co. 3, 6 e 7 de su D. Lgs. 30.04.1992, n. 285 e modificas e integratzionis benias a pustis;

Bistu su regulamentu de esecutzioni e atuatzioni de su Decretu nomenau in susu, emìtiu cun D.P.R. 16.12.1992, n. 495 e modificas e integratzionis benias a pustis;

Bistu su D. Lgs. 18.8.2000, n. 267;

Òrdinat

1. Ca sa circolatzioni de is mezus est frimada in sa Bia S. Lucia e in sa Bia XXI Aprile, po sa dia de s'08.08. 2013, de is 17,00 a is 21,30 in ocasioni de sa festa in onori de sa Madonna de sa Strada.

Su percursu alternativu at a èssiri su de Bia Cagliari e Bia A. Moro.

Acrarat

• Ca sa sinnalètica provisòria dd'ant a pònniri is organizadoris innantis de sa manifestatzioni e bèngiat tirada a pustis de àiri torrau a aberri sa bia.

• Cun pregunta de is interessaus su Sìndigu at a pòdiri cuncèdiri, segundu s'art. 6, comma 8, de su D.Lgs. n. 285/92 e modificas e integratzionis fatas a pustis e chi ddui at abbisòngius gravis e urgentis o chi siant averigauus, dèrogas e permissus, chi siant acapiaus a cunditzionis e cautelas specificas.

• Is Agentis de sa fortza pùblica funt incarrigaus de billai po s'arrespetu chi si depit a custa ordinàntzia.

• A norma de s'art.3, comma 4, de sa Lei 07.08.1990, n. 241 s'avertit ca, contras a custa ordinàntzia, segundu sa Lei 06.12.1971, n. 1034, chini totu ddui tèngiat interessu potzat fai recursu:po incupetèntzia, po eccessu de poderi o po violatzioni de lei, aintru de 60 diis de sa publicatzioni, a su Tribunali Amministrativu Regionali de sa Sardìnnia.

• Po su chi est dispostu de s'art 37, comma 3, de su D.Lgs. n. 285/92 e modificas e integratzionis benias a pustis, sèmpiri aintru de 60 diis podint fai recursu is chi tèngiant interessu a pònniri sa sinnalètica, segundu sa genia de is sinnalis postus, a suMinisteru de is LL.PP., cun sa procedura de s'art 74 de su Regolamentu, aprovau cun D.P.R. n. 495/92 e modificas e integratzionis.

• Po is chi faint contras, s'aplicant is santzionis segundu is artt. 6 e 7 de su D. Lgs. n. 285/92 e modificas e integratzionis a sighiri.

De sa Residèntzia Municipali, li 06.08.2013

Su Sìndigu

Giuanni Dessì